



Broj: 05-30-1-~~1073~~1/24

Sarajevo, 28.11.2024. godine

Na osnovu člana 60. Zakona o organizaciji organa uprave u Federaciji Bosne i Hercegovine („Službene novine Federacije BiH“ broj: 35/05), člana 28. Zakona o oduzimanju nezakonito stečene imovine krivičnim djelom FBiH („Službene novine Federacije BiH“, broj 71/14), te člana 34. Zakona o radu Federacije Bosne i Hercegovine („Službene novine Federacije BiH“, br. 26/16, 89/18, 23/2020 – odluka Ustavnog suda, 44/22 i 39/24) v.d. direktor Federalne agencije za upravljanje oduzetom imovinom o b j a v l j u j e

JAVNI KONKURS

za prijem lica na stručno osposobljavanje bez zasnivanja radnog odnosa u Federalnoj agenciji za upravljanje oduzetom imovinom

I PREDMET JAVNOG KONKURSA

Federalna agencija za upravljanje oduzetom imovinom objavljuje Javni konkurs za prijem lica na stručno osposobljavanje za samostalan rad, bez zasnivanja radnog odnosa, i to:

- Lice sa VSS/VII stepenom stručne spreme ili visokim obrazovanjem prvog, drugog ili trećeg ciklusa Bolonjskog sistema studiranja koje se vrednuje sa najmanje 180 ECTS bodova – diploma visokog obrazovanja – pravne ili upravne struke, ekonomski fakultet ili drugi fakultet društvenog smjera 2 izvršioca

II MJESTO I TRAJANJE STRUČNOG OSPOSOBLJAVANJA

Mjesto rada primljenih lica na stručno osposobljavanje je Federalna agencija za upravljanje oduzetom imovinom, Sarajevo.

Prijem lica na stručno osposobljavanje bez zasnivanja radnog odnosa vrši se na određeno vrijeme u trajanju od 12 (dvanaest) mjeseci.

III OPĆI USLOVI

Kandidati prijavljeni na javni konkurs moraju ispunjavati opće uslove propisane članom 25. stav 1. Zakona o državnoj službi u Federaciji BiH („Službene novine Federacije BiH“, br. 29/03, 23/04, 39/04, 54/04, 67/05, 8/06, 4/12, 99/15 i 9/17 - odluka Ustavnog suda Federacije BiH broj U-13/16) i to:

- da su državljani BiH,
- da su stariji od 18 godina,
- da su zdravstveno sposobni za obavljanje poslova za koja se prijavljuju,

- d) da imaju univerzitetsku diplomu najmanje VII stepena stručne spreme odnosno visoko obrazovanje prvog drugog ili trećeg ciklusa Bolonjskog sistema studiranja,
- e) da nije obuhvaćen odredbama člana IX.1. Ustava BiH;

IV POSEBNI USLOVI

Pored općih uslova, kandidati koji se prijavljuju na javni konkurs moraju ispunjavati i posebne uslove i to:

- a) da nemaju radni staž, niti radno iskustvo u trajanju od jedne godine ili više nakon stečenog visokog obrazovanja na poslovima sa visokom stručnom spremom,
- b) poznavanje rada na računaru.

V SPISAK POTREBNIH DOKUMENATA

Kandidati su dužni **uz potpisanu prijavu s kraćom biografijom** dostaviti sljedeće dokumente:

- a) izvod iz matične knjige rođenih,
- b) uvjerenje o državljanstvu,
- c) diploma ili uvjerenje o završenom VII stepenu stručne spreme visokog obrazovanja odnosno najmanje prvog (180 ECTS bodova), drugog ili trećeg ciklusa Bolonjskog sistema studiranja. U slučaju da fakultet nije završen u BiH, strana diploma mora biti nostrificirana (dokaz o nostrifikaciji),
- d) dokaz da kandidat nema ostvaren radni staž u trajanju od jedne godine ili više, nakon stečenog visokog obrazovanja (potvrda – uvjerenje Federalnog zavoda za PIO/MIO ukoliko kandidat nema ostvarenog staža uopšte ili Uvjerenje o podacima registrovanim u matičnoj evidenciji Federalnog zavoda PIO/MIO uz obaveznu potvrdu ranijeg poslodavca ili dokaz da kandidat nije radio na poslovima sa visokom stručnom spremom ukoliko kandidat ima ostvaren radni staž),
- e) fotokopiju lične karte
- f) potvrdu o prebivalištu (CIPS)

Kandidati koji budu izabrani za lica na stručnom osposobljavanju bez zasnivanja radnog odnosa, uvjerenje o zdravstvenoj sposobnosti moraju dostaviti najkasnije do zaključenja Ugovora o stručnom osposobljavanju bez zasnivanja radnog odnosa.

Dokumenti koji se prilažu uz prijavu moraju biti u originalu ili ovjerenoj kopiji (dokumentacija se ne vraća).

VI ROK ZA PODNOŠENJE PRIJAVA, MJESTO I NAČIN DOSTAVLJANJA

Potpisane prijave sa traženom dokumentacijom dostavljaju se u zatvorenoj koverti najkasnije do **15. decembra 2024. godine**, preporučeno putem pošte ili direktno na adresu:

FEDERALNA AGENCIJA ZA UPRAVLJANJE ODUZETOM IMOVINOM

ul. Put života br. 2

71000 Sarajevo

s naznakom:

"Prijava na **JAVNI KONKURS** za prijem lica na stručno osposobljavanje bez zasnivanja radnog odnosa u Federalnoj agenciji za upravljanje oduzetom imovinom"

- NE OTVARATI -

VII OBJAVA JAVNOG KONKURSA

Javni konkurs za prijem lica na stručno osposobljavanje bez zasnivanja radnog odnosa će biti objavljen u dnevnim novinama „Avaz“ i na web stranici Federalne agencije za upravljanje oduzetom imovinom.

VIII OSTALE NAPOMENE

Zaprimljene prijave razmotrit će posebno formirana Komisija za provođenje Javnog konkursa za prijem lica na stručno osposobljavanje bez zasnivanja radnog odnosa u Federalnoj agenciji za upravljanje oduzetom imovinom (u daljem tekstu: Komisija), koju će posebnim rješenjem imenovati v.d. direktor Agencije.

Sve prijave koje budu neblagovremene, nepotpune i neuredne bit će odbačene kao formalno neispravne i neće biti predmetom razmatranja.

Komisija će sa svakim kandidatom koji zadovolji formalne uslove konkursa, obaviti usmeni intervju, te sačiniti Listu uspješnih kandidata i istu dostaviti v.d. direktoru Agencije na donošenje odluke o izboru kandidata.

Obavijest o izboru kandidata dostavit će se svim kandidatima sa Liste uspješnih, na koju obavijest mogu izjaviti prigovor v.d. direktoru Agencije u roku od 3 dana od dana prijema obavijesti.

Odluka o izboru kandidata postaje konačna nakon donošenja odluke po prigovoru ili protekom roka za prigovor ukoliko prigovor ne bude izjavljen.

Svaki kandidat s kojim se zaključi pojedinačni ugovor ostvarit će pravo na naknadu u skladu sa članom 26. Zakona o plaćama i naknadama u organima vlasti Federacije Bosne i Hercegovine („Službene novine Federacije BiH“, br. 45/10, 111/12 i 20/17), koji propisuje da volonteri visoke stručne spreme u organu državne službe imaju pravo na naknadu u iznosu od 35% od osnovne plaće stručnog saradnika.

Direktor Agencije zadržava pravo da poništi ovaj javni konkurs u bilo kojoj njegovoj fazi, izuzev nakon konačnosti odluke o izboru kandidata.

Sve dodatne informacije zainteresovani kandidati mogu dobiti na broj telefona: 032/407-350 ili e-mail: info@fazuoi.gov.ba

Izradio: E.H.



